

viscidis humoribus ; vel à facibus tartareis ; quæ ductibus obhærentes, viscera prædicta obstruunt atque offerciunt : adeoque seminaria infinitorum propemodum morborum ingenerant.

Huius Tartari purificati destillatum nostrum saporis gratissimi, cum acidulis naturalibus facile certare queat : cuius usu convenienti, in morbis plurimis, medicationes omnium maxime tutæ, jucundæ, actioni naturæ consentaneæ instituntur. Insigne insuper est ad præservationem à morbis pestilentibus, & contagiosis. Nam naturalem cordis, aliorumque viscerum temperiem tuetur : alvum laxam præstat : temperata sua frigiditate humorum ebullientium, aut putrescentium, (qui quidem ab aëre pestilenti facilimè corripuntur) coærvationem, & obstructionem inhibet.

*Tartari
destillatū*

AVREL. Ego hætenus Solarem illum spiritum, auri argenti que, metallis solummodo inesse credidi.

THEOD. Illum, mi Aureli, *Nature parens non tantum auri, argenti que, corporibus ; sed etiam inferioribus metallis, & mineralibus alijs, in primis etiam thermis, & acidulis benigne concessit atque elargitus est : Sacrum profecto mysterium ; salutare Dei donum.*

AVREL. Quod ad thermas naturales attinet, hoc mihi persuasum habeo ; siquidam magni, & quidem sine periculo, in magno & periculosis morbis efficiunt thermæ (ut certe efficiunt ; præmissis tamen præparantibus medicamentis) id maximè illius occulti, aureoli, siderij, Solaris, Cardiaci, & quasi vivifici Sulphuris beneficio præstant.

De thermis naturalibus

Nunc de acidulis paulo copiosius disseramus.

THEODOR. Harum tibi primum descriptionem, deinde & usum traditurus sum.

De Acidulis.

AVR. Quomodo igitur definis acidulas ?

THEOD. Acidulæ sunt aquæ, imbutæ vaporibus aluminosis, sulphureis, & aliis Mineralium, & metallorum imperfectorum, quodammodo glutinosis ; cavernis terræ inclusis, ingenis & congenitis : vim quandam medicam obtinentes.

Acidularum description

AVR. Sed quales sunt hæ aquæ ?

THEOD. Non sane aquæ sunt simplices, sed quasi compositæ ; seu potius liquores, balsamis mineralium, & metallorum infecti : à quibus plerumque Sulphur quoddam rubicundum, instar croci Martis, aut vitrioli nstri, decoctione secernitur.

AVR. Quamobrem dicis liquores illos imbutos vaporibus glutinosis ; cavernis terræ inclusis, ingenis & congenitis ?

Q 9 9 5

THEOD.